



Jumat, 03 Nopember 2023

Ogen : Juna 1:11-17



Ngaku ras Nanggung Salah



Megati jelma si dalih-dalihen adi enggo terdat kesalahen si ilakokenna. Mis daramina jababna si banci teraloken gelah ula tereteh kesalahenna. Entah daramina kesalahen kalak sideban si erbahansa ia ngelakoken kesalahen. Ngakui salah labo dahin si menukah, ergadiri kap taruhenna. Beda ras Juna, tupung ia isungkuni jelma si enterem kerna perbahanenna. Iakuina maka ia enggo ersalah. Ia kiam i bas persuruhan Tuhan nari. La atena latih erdahin, terduhen la atena senang adi kalak Niniwe jera dengen robah i bas kejahatenna nari. Meriah ukurna adi kalak e iradasken. Kalak Niniwe e musuh bebuyuten ras kalak Israel. Em dalanna maka ia kiam. Kepeken, kiam nadingken Tuhan labo maba kejuah-juahen. Tunduh pe i bas kapal labo ia teneng. Lit saja si erbahansa ia erndeale ate. Tapi, meherga kap kalak si nggit ngakui kesalahenna entah dosa si ibahanna. Juna ngakui perbahanenna e salah i bas mata Tuhan. Janah la terjeng ngakui salah tapi ersikap ia idabuhi ukumen. Adi erbahan salah e wajib iukum e tertanam bas pusuhna. Juna pe ngukuri penumpang i bas kapal e, ula min erkiteken ia kerina kalak kena cilaka. Bias me dosa si ibahanna ia nanggungsa. Idabauhken ku lawit e sada gambaren idabuhken ku doni si gelap. Doni si dem kebiaren ras kematen. Bage pe ialoken Juna erkiteken kesalahenna.

Kenca idabuhken Juna ku lawit jeneng angin kaba-kaba si meter e. Kai pe tempa la lit si jadi kebiaren. I je teridah kuasa Tuhan si ngasup mpejeneg angin si meter. Man kalak si la nandai Tuhan e jadi kesaksin maka Tuhan si isembah Juna e tuhu-tuhu erkuasa. Itandai jelma si enterem e Tuhan arah kejadian enda. Tuhan e erkuasa nandangi kerina si lit i doni enda. Tapi, Tuhan pe disiplin. Labo Ia sinik adi lit kesalahen siibahan persuruhenna. Gelah persuruhan e pe disiplin arus kepe ibereken ukume